

Ada GLC Tersasar Drp Matlamat Asal Memperkukuh Ekonomi Bumiputera, Kata Tun Mahathir
Bername
24 Oktober, 2012

KUALA LUMPUR, 24 Okt (Bernama) -- Terdapat pengurusan syarikat berkaitan kerajaan (GLC) telah tersasar daripada matlamat asal penubuhannya iaitu untuk memperkukuh ekonomi Bumiputera, kata bekas Perdana Menteri Tun Dr Mahathir Mohamed.

Beliau berkata sebagai contoh, Khazanah Nasional Bhd ditubuhkan berikutan keupayaan Bumiputera, terutama orang Melayu, lemah dari segi ekonomi dan pemilikan ekuiti.

"Oleh itu kita tubuhkan badan yang dikuasai oleh kerajaan (Khazanah) supaya mereka memegang saham-saham ini sementara kita memperkaya Bumiputera, dan kemudian kita agihkan kepada mereka (Bumiputera)," katanya kepada pemberita pada Kongres Ekonomi Melayu 2012 (KEM2012) di sini Rabu.

Beliau berkata demikian ketika mengulas peranan GLC dalam memperkukuh ekonomi Bumiputera.

Dr Mahathir yang juga Penasihat Petronas, berkata ada GLC yang telah terpisah daripada ikatan asal mereka sebagai pemegang amanah Bumiputera dan orang Melayu, malah tindakan mereka juga bertentangan dengan dasar penubuhannya.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=704637>